



Rialtas na hÉireann
Government of Ireland



CLÁR LÁRNACH UM ÚINÉIREACTH THAIRBHIÚIL CUIDEACHTAÍ AGUS
CUMANN TIONSAIL AGUS SOLÁTHAIR

CENTRAL REGISTER OF BENEFICIAL OWNERSHIP OF COMPANIES
AND INDUSTRIAL AND PROVIDENT SOCIETIES

Tuarascáil Bhliantúil RBO 2024

Clár na nÁbhar

Tuarascáil Bhliantúil, 2024	2
Cúlra	2
Faisnéis le comhdú le RBO.....	3
Rochtain ar an gClár um Úinéireacht Thairbhiúil	4
Gníomhaíocht RBO agus Staitisticí do2024 RBO Activity and Statistics for 2024.....	6
Litreacha Fógra don Ábhar Sonraí i gcás Aighneachtaí Diúltaithe.....	7
Achoimre ar na Cineálacha Úinéireachta Tairbhiúla agus Rialaithe a Chláraithear	7
Ríomhphoist	7
Feachtas Meabhraithe Neamh-Chomhlíontachta	8
Neamhréireachtaí agus Neamh-Chomhlíontacht a Thuairisciú	8
Fógraí Neamhréireachta.....	8
Fógraí Neamh-Chomhlíontachta	9
Fiosruithe RBO	9
Ceannach Tuarascálacha RBO	9
Forfheidhmiú agus Ionchúisimh	10
Rannpháirtíocht RBO i bhFóraim Idirnáisiúnta.....	10
Soláthar Foirne RBO	10
Láithreán Idirlín RBO.....	11
Dáileadh Geografach Úsáideoirí an tSuímh Idirlín in 2024.....	11
Ceanglais faoi ailt 4B(a) agus 4B(b) d'Acht comhdhlúite na dTeangacha Oifigiúla, 2003 agus 2021	12
Ráiteas maidir le Dualgas na hEarnála Poiblí um Chomhionannas agus Cearta an Duine	14

CLÁR LÁRNACH UM ÚINÉIREACTH THAIRBHIÚIL CUIDEACHTAÍ AGUS CUMANN TIONSCAIL AGUS CHOIGILTIS (RBO)

Tuarascáil Bhliantúil, 2024

Cúlra

Oifig de chuid na Roinne Fiontar, Turasóireacht agus Fostaíochta is ea an Clár Lárnach um Úinéireacht Thairbhiúil Cuideachtaí agus Cumann Tionscail agus Coigiltis (RBO). Is é ról RBO ná clár úinéireachta tairbhiúla cuideachtaí agus cumann tionscail agus coigiltis a sholáthar agus an clár sin a chur ar fáil lena iniúchadh ag údaráis inniúla agus comhlachtaí ainmnithe.

Is é Ráiteas Misin RBO:

Maoirseacht a dhéanamh ar an ráta agus ar an gcáilíocht is airde agus is féidir de chomhdú úinéireachta tairbhiúla de chuid comhlachtaí agus cumainn tionscail agus choigiltis i gcomhréir leis na forálacha reachtúla ábhartha agus a chinntiú go gcuirtear faisnéis chuí i dtaca le húinéireacht thairbhiúil ar fáil d'údaráis inniúla, comhlachtaí ainmnithe agus don phobal i gcoitinne.

Cheangail Ionstraim Reachtúil Uimh. 560 de 2016 ar eintitis ábhartha faisnéis áirithe a fháil agus a choinneáil ar chlár inmheánach i dtaobh a n-úinéirí tairbhiúla. Tháinig an ceanglas seo i bhfeidhm ar an 15 Samhain 2016.

Is éard is ciall le *heintiteas ábhartha* ná eintiteas corparáideach nó eintiteas dlíthiúil eile arna chorprú sa stát agus áirítear leis cuideachtaí agus cumainn tionscail agus choigiltis.

Chuir Ionstraim Reachtúil Uimh. 110 de 2019 an Clár Lárnach um Úinéireacht Thairbhiúil Cuideachtaí agus Cumann Tionscail agus Coigiltis (RBO) ar bun agus síníodh é ina dhlí ar an 22 Márta 2019. Thrasuigh an IR seo ceanglas Alt 30 de 4^ú Treoir an AE maidir leis an Sciúradh Airgid a Chomhrac (4AMLD) ar chuideachtaí arna gclárú faoi Acht na gCuideachtaí 2014 agus ar chumainn arna gclárú faoi na hAchtanna um Chumainn Tionscail agus Choigiltis, 1893-2021 faisnéis i dtaobh a n-úinéirí tairbhiúla a chlárú ar chlár lárnach, RBO.

Ceapadh Cláraitheoir na gComhlachtaí ina Chláraitheoir um Úinéireacht Thairbhiúil Cuideachtaí agus Cumann Tionscail agus Coigiltis, agus osclaíodh an Clár nua chun aighneachtaí a ghlacadh i mí Iúil 2019, agus ba é an 22 Samhain 2019 an dáta deiridh le haghaidh comhdaithe.

Tá sé mar cheanglas de chuid 4AMLD go bhfaighidh agus go gcoinneoidh RBO faisnéis chuí, chruinn agus reatha ar úinéireacht thairbhiúil cuideachtaí agus cumann. Chun an ceanglas seo a chomhlíonadh, ceadaíodh Uimhreacha Pearsanta Seirbhíse Poiblí (UPSPanna) a úsáid chun aitheantas gach úinéara thairbhiúil a bhailíochtú.

Ní féidir comhdú le RBO ach ar bhonn leictreonach amháin, trí thairseach thiomnaithe. Ní ghearrtar aon táille ar chomhdú.

Is féidir le hoifigeach nó fostaí de chuid an eintitis nó láithreoir atá ag feidhmiú thar ceann an eintitis faisnéis a chomhdú le RBO.

Faoi na Rialacháin, ceanglaíodh ar eintitis ábhartha a bhí ar an gclár ar an 22 Meitheamh 2019 a bhfaisnéis úinéireachta tairbhiúla a chomhdú leis an gClár Lárnach faoi cheann cúig mhí, i.e. faoin 22 Samhain 2019. Ceanglaítear ar chuideachtaí arna gclárú i ndiaidh 22 Meitheamh 2019 comhdú laistigh de chúig mhí dá ndáta cláraithe.

Tá an Clár Lárnach fós ag glacadh le comhduithe agus roimh dheireadh 2024, chláraigh 276,891 (88.17%) cuideachta agus 703 cumann (74.71%) faisnéis úinéireachta tairbhiúla leis an gclár. Fuarthas 84,314 aighneacht san iomlán in 2024.

Ar an 23 Aibreán 2021, tugadh tosach feidhme don Acht um Cheartas Coiriúil (Sciúradh Airgid agus Maoiniú Sceimhlitheoireachta) (Leasú), 2021, ina gceanglaítear ar gach ‘duine ainmnithe’ (e.g., bainc, institiúidí airgeadais agus soláthraithe seirbhísí eile) RBO a iniúchadh mar chuid dá d(h)ícheall cuí custaiméara sula mbunófar gaolmhaireacht ghnó le custaiméir, agus chun tuairisciú don Chlár i dtaobh aon neamhréireachta nó neamh-chomhlíontachta.

Mar thoradh ar Acht 2021, agus in éineacht le feachtas comhlíonta de chuid RBO, tá méadú suntasach tar éis teacht ar líon na n-aighneachtaí a fhaigheann RBO. Ina dhiaidh sin féin, bhí laghduithe suntasacha in RBO i líon na Fógraí Neamh-chomhlíontachta (FNCanna) a fuarthas in 2023 agus 2024 i gcomparáid leis na cinn a fuarthas in 2022. Tháinig méadú arís ar líon na bhFógraí Neamhréireachta (FNanna) a fuarthas in 2024 i gcomparáid le 2023, ach níl sé ar an leibhéal céanna is a bhí líon na neamhréireachtaí a tuairiscíodh in 2022.

Ar an 22 Samhain, 2022, chuir Cúirt Bhreithiúnais an Aontais Eorpaigh (CBAE), gníomh a dtugtar cinneadh *Sovim* air, ar ceal forálacha Threoir (AE) 2015/849 arna leasú ag Treoir (AE) 2018/843 lenar cuireadh rochtain ar fhaisnéis úinéireachta tairbhiúla ar fáil don phobal. Ar an 28 Samhain 2022, cuireadh rochtain comhlachtaí ainmnithe agus an phobail ar an gClár ar fionraí chun réiteach TF a éascú a chuirfeadh rochtain ar fáil i gcomhréir le rialú na Cúirte. Cuireadh rochtain teorannaithe do Chomhlachtaí ainmnithe amháin ar bun arís ar an 22 Nollaig 2022.

Ar an 13 Meitheamh, 2023, tugadh IR 308 de 2023 isteach chun foráil a dhéanamh do chinneadh Chúirt Bhreithiúnais an Aontais Eorpaigh.

Ar an 3 Nollaig, 2024, le hAcht na gCuideachtaí (Rialachas Corparáideach, Forfheidhmiú agus Forálacha Rialála), 2024, leasaíodh Acht na gCuideachtaí, 2014, chun foráil a dhéanamh go bhféadfadh Cláraitheoir na gCuideachtaí cuideachta a bhaint den chlár as mainneachtain faisnéis riachtanach a chomhdú le Cláraitheoir RBO.

Faisnéis le comhdú le RBO

Seo a leanas an fhaisnéis atá le comhdú le RBO:

- Ainm, dáta breithe, náisiúntacht, agus seoladh baile gach úinéara thairbhiúil de chuid an eintitis
- Ráiteas maidir le cineál agus méid an leasa atá ag gach úinéir, nó cineál agus méid an rialaithe a fheidhmíonn gach úinéir tairbhiúil
- Ainm agus uimhir an eintitis mar atá ar Chlár na gCuideachtaí nó ar Chlár na gCumann Tionscail agus Coigiltis
- Uimhir PSP gach úinéara thairbhiúla arna sannadh na huimhreach sin dóibh
- Ní mór athruithe ar úinéireacht thairbhiúil a chur in iúl don Chláraitheoir laistigh de 14 lá ón athrú ar chlár úinéireachta tairbhiúla inmheánach an eintitis.

Ba chóir d’Úinéirí Tairbhiúla nach bhfuil UPSP acu cur isteach ar Uimhir Duine Aitheanta lena húsáid agus iad ag comhdú do CRO agus RBO trí fhoirm VIF/IPN a úsáid. Tá tuilleadh faisnéise faoin bhFoirm VIF/IPN ar fáil trí [thairseach CORE](#) CRO.

Rochtain ar an gClár um Úinéireacht Thairbhiúil

Rochtain Neamhshrianta (Leibhéal a hAon) - rochtain RBO ar údaráis inniúla

In R1 2020, d'fhorbair RBO próiseas slán chun ceadú d'údaráis inniúla rochtain neamhshrianta (Leibhéal a hAon) a fháil ar shonraí RBO agus thug siad cuireadh do gach údarás inniúil ábhartha liostaí d'oifigigh údaraithe a sholáthar den ghrád/aicme chuí ar chóir rochtain Leibhéal a hAon ar RBO a thabhairt dóibh.

I rialachán 24 d'Ionstraim Reachtúil 110/2019, foráiltear do rochtain neamhshrianta ar an gClár Lárnach a chur ar fáil do bhaill áirithe de:

- An Garda Síochána
- an tAonad um Fhaisnéis Airgeadais (AFA) Éireann
- Na Coimisinéirí Ioncaim
- an Biúró um Shócmhainní Coiriúla (BSC)
- Banc Ceannais na hÉireann.
- An Roinn Díl agus Cirt.
- an tÚdarás Rialála Seirbhísí Maoine (ÚRSM).
- an tÚdarás Rialála Seirbhísí Díl (ÚRSD).
- Díl-Chumann na hÉireann.
- Comhairle Ghinearálta Bharra na hÉireann.
- comhlacht tiomnaithe cuntasóireachta (de réir bhrí Chuid 4 den Acht um Cheartas Coiriúil (Sciúradh Airgid agus Maoiniú Sceimhlitheoireachta), 2010)
- cigire a cheap an Stiúrthóir um Fhorfheidhmiú Corparáideach faoi alt 764(1) d'Acht na gCuideachtaí, 2014.

Rochtain (Leibhéal a Dó) shrianta

I rialachán 25 d'Ionstraim Reachtúil 110/2019, arna leasú ag IR 308 2023, foráiltear do rochtain shrianta ar an gClár Lárnach a chur ar fáil do:

- 'Duine ainmnithe' a bhfuil gaolmhaireacht ghnó aige le heintiteas ábhartha nó atá ag déanamh bearta díchill chuí custaiméara i dtaca le heintiteas ábhartha

Tá táille €2.50 ar gach cuardach le haghaidh rochtain Leibhéal a Dó ar an gClár.

Tá an fhaisnéis i dtaca le heintiteas ábhartha le cur ar fáil faoi rochtain shrianta teorannaithe do:

- Ainm, mí agus bliain bhreithe agus náisiúntacht agus tír chónaithe gach úinéir tairbhiúil, agus
- Ráiteas maidir le cineál agus méid an leasa atá ag gach úinéir, nó cineál agus méid an rialaithe a fheidhmíonn gach úinéir tairbhiúil.
- NÍ CHUIRTEAR lá breithe agus seoladh ar fáil faoi rochtain Leibhéal a Dó.

Níl faisnéis mar gheall ar úinéir tairbhiúil ar mionaoiseach é/í (i.e. faoi bhun 18 mbliana d'aois) ar fáil i gcuardach Leibhéal a Dó. Tá rochtain ar an bhfaisnéis sin faoi rogha an Chláraitheora.

In 2024, cuireadh 419 cuntas Daoine Ainmnithe agus 1183 cuntas Fo-Úsáideora ar bun. Is éard is fo-úsáideoir ann ná cuntas indibhidiúil faoin bpríomhchuntas eagraíochta.

Leas Dlisteanach

Ar an 13 Meitheamh 2023, shínigh an tAire Airgeadais Ionstraim Reachtúil Uimhir 308 de 2023, lenar tugadh isteach an rochtain do dhaoine ar chlár RBO a bhfuil leas dlisteanach acu agus a chomhlíonann na critéir atá leagtha amach sa 3A breise i Rialachán 25 de IR 110 de 2019 ina bhforáiltear an méid seo a leanas:

“Ní bheidh duine i dteideal an ceart iniúchta faoi alt (3) a fheidhmiú mura dtaispeánann an duine sin don Chláraitheoir go bhfuil leas dlisteanach aige/aici chun déanamh amhlaidh, is é sin le rá go dtaispeánann an duine sin don Chláraitheoir (trí aighneacht a dhéanamh agus, má éilíonn an Cláraitheoir, trí fhaisnéis nó doiciméid a sholáthar, lena n-áirítear cibé faisnéis nó doiciméid a bheidh ar fáil a bhaineann le gníomhartha an duine sin roimhe seo, más ann, chun cionta sciúrtha airgid nó maoinithe sceimhlitheoireachta, a chosc, a bhrath nó a fhiosrú) –

- (a) Go bhfuil an duine ag gabháil do chionta sciúrtha airgid nó maoinithe sceimhlitheoireachta a chosc, a bhrath, nó a fhiosrú*
- (b) Go bhfuil an duine ag iarraidh an fhaisnéis dá dtagraítear in alt (3) chun críocha gníomhaíochta a bhfuil sé/sí ag gabháil di dá dtagraítear i bhfo-alt (a) (ach ní gá go mbainfidh an ghníomhaíocht sin le cásanna imeachtaí riaracháin nó dlí atá ar feitheamh i dtaca leis an eintiteas ábhartha lena mbaineann, agus*
- (c) Go bhfuil an t-eintiteas lena mbaineann*
 - (i) ceangailte le daoine arna gciontú (laistigh den Stát nó in áit eile) i gcion a bhaineann le sciúradh airgid nó maoiniú sceimhlitheoireachta, nó*
 - (ii) a shealbhaíonn sócmhainní i dtríú tír ardriosca.”*

Fuarthas iarratas amháin ar leas dlisteanach in 2024, ach níor deonaíodh é mar gheall nár chomhlíon an t-iarratasóir na critéir chun rochtain a fháil.

Rochtain Phoiblí Ghinearálta

Ní féidir leis an bpobal i gcoitinne rochtain a fháil ar fhaisnéis úinéireachta tairbhiúla ar RBO. Mar sin féin, is féidir le daoine den phobal eintiteas agus líon na n-úinéirí tairbhiúla atá comhduithe don eintiteas sin a chuardach. Ní chuirtear aon sonraí pearsanta i dtaobh na n-úinéirí tairbhiúla ar fáil.

Gníomhaíocht RBO agus Staitisticí do2024

Líon iomlán na gCuideachtaí atá cláraithe le RBO	31/12/2024	31/12/2023	Méadú/Laghdú/ 2024 i gcomparáid le 2023
Cuideachtaí beo a cheanglaítear orthu comhdú le RBO	314,054	299,496	+14,558
Cuideachtaí a chláraigh úinéirí tairbhiúla le RBO	276,891	258,241	+18,650

Líon iomlán na gCUMANN atá cláraithe le RBO	31/12/2024	31/12/2023	Méadú/Laghdú/ 2024 i gcomparáid le 2023
Cumainn bheo a cheanglaítear orthu comhdú le RBO	941	941	0
Cumainn a chláraigh úinéirí tairbhiúla le RBO	703	702	+1

AIGHNEACHTAÍ

Líon iomlán a fuarthas go dtí an 31 Nollaig 2024

	Gach Aighneacht
Líon Iomlán Aighneachtaí a Fuarthas	84,314
Líon Iomlán Aighneachtaí a Cláraíodh	71,750
Líon Iomlán Aighneachtaí a Diúltaíodh	12,560¹
Ráta Cláraithe	78.86%
Ráta Diúltaithe	21.14%

¹ Féach an t-alt ar bharr an chéid leathanaigh eile chun sonraí a fháil.

Litreacha Fógra don Ábhar Sonraí i gcás Aighneachtaí Diúltaithe

I gcás go dteipeann ar aighneacht Úinéireachta Tairbhiúla i seiceálacha bailíochtaí RBO ar an UPSP, diúltófar don aighneacht. I gcás go ndéantar an dara hiarracht chun an duine céanna a chlárú mar úinéir tairbhiúil don eintiteas céanna, is go dteipeann uirthi, eisiónn RBO litir chuig an “t-ábhar sonraí” lena mbaineann (chun RGCS a chomhlíonadh, ní mór é a eisiúint don ábhar sonraí, ní don láithreoir) ina gcuirtear in iúl dó/di go ndearnadh iarrachtaí a s(h)onraí pearsanta a chlárú le RBO mar úinéir tairbhiúil eintitis ábhartha agus cén beart ba chóir dó/di a dhéanamh.

In 2024, d’eisigh RBO 4,087 litir Dhiúltaithe/RGCS d’ábhair sonraí ar úsáideadh a sonraí pearsanta in aighneachtaí RBO ar theip orthu sna seiceálacha bailíochta UPSP. B’ionann líon na litreacha Diúltaithe/RGCS in 2023 agus 5,049.

Achoimre ar na Cineálacha Úinéireachta Tairbhiúla agus Rialaithe a Chláraithear

Sna Rialacháin, is é an sainmhíniú a thugtar ar úinéir tairbhiúil ná duine nádúrtha ar leis/léi eintiteas dlíthiúil sa deireadh thiar, nó a rialaíonn eintiteas dlíthiúil sa deireadh thiar, trí chéatadán leordhóthanach scaireanna a bheith faoina (h)úinéireacht dhíreach nó indíreach, nó trí chearta vótála nó trí leas úinéireachta san eintiteas sin nó trí rialú ar mhodh eile.

I gcás go bhfuil gach modh féideartha chun úinéirí tairbhiúla a aithint ídithe, agus nach bhfuil aon fhorais amhrais ann, agus nach n-aithnítear aon duine nádúrtha a chomhlíonann na critéir, foráiltear sna Rialacháin gur féidir Oifigeach/igh Ardbhainistíochta an Eintitis (e.g. an Stiúrthóir/na Stiúrthóirí nó POF) a chur isteach sa chlár mar na húinéirí tairbhiúla atá aige.

Seo a leanas miondealú ar an gcineál úinéireachta tairbhiúla d’eintitis ghníomhacha agus 328,852 cineál úinéireachta tairbhiúla/rialaithe arna dtaifeadadh do na 276,891 eintiteas a chláraigh úinéirí tairbhiúla le RBO go dtí seo:

	Cineál Úinéireachta/rialaithe	% de chineálacha úinéireachta/rialaithe
Scairshealbhú	240,910	77.59%
Cearta Vótála	6,862	2.21%
Leas Úinéireachta	23,630	7.61%
Rialú ar mhodh eile	9,386	3.02%
Oifigeach Ardbhainistíochta	48,064	15.48%

Is féidir roinnt Úinéirí Tairbhiúla a chomhdú faoi dhó faoi dhá chatagóir éagsúla.

Sa mheán, bhí 1.19 cineál úinéireachta tairbhiúla in aghaidh gach eintitis.

Ríomhphoist

In 2024, fuair RBO 21,430 ríomhphost agus d’fhreagair sé iad i gcomparáid le 26,160 in 2023.

Feachtas Meabhraithe Neamh-Chomhlíontachta

Lean RBO leis an bhFeachtas Meabhraithe Neamh-Chomhlíontachta in 2024 do gach cuideachta nár chomhdaigh roimh spriodhata 5 mhí ó dháta an chorpraithe agus d'eisigh sé ríomhphoist laistigh de mhí ón spriodhata sin.

D'eisigh RBO 4,211 meabhrúchán réamh-spriodhata chuig eintitis chun faisnéis úinéireachta tairbhiúla a chomhdú in 2024 i gcomparáid le 5,785 in 2023.

Neamhréireachtaí agus Neamh-Chomhlíontacht a Thuairisciú

Luaitear i Rialachán 26(1) d'Ionstraim Reachtuil Uimh. 110/2019, má tá aon 'duine ábhartha' (i.e. Garda Síochána, Coimisinéirí Ioncaim, BSC nó údarás inniúil) ar an tuairim go bhfuil neamhréireacht ann idir faisnéis a bhaineann le heintiteas ar RBO agus faisnéis úinéireachta tairbhiúla atá ar fáil don 'duine ábhartha' *a mhéid is nach gcuireann sé isteach gan ghá ar chomhlíonadh a chuid feidhmeanna*, go gcuirfidh an 'duine ábhartha' fógra chuig an gCláráitheoir, ina sonraítear sonraí na neamhréireachta.

Ar an gcaoi chéanna, luaitear i Rialachán 20(3), má tá 'duine ainmnithe' atá i mbun dícheall cuí custaiméara ar eintiteas, nó eile, ar an tuairim go bhfuil neamhréireacht idir an fhaisnéis ar RBO agus an fhaisnéis nach mór d'eintiteas a chur ar a chlár úinéireachta tairbhiúla inmheánach féin, go gcuirfidh an duine ainmnithe fógra chuig an gCláráitheoir, ina sonraítear sonraí na neamhréireachta.

Mar a fhoráiltear dó i Rialachán 20 agus 26 de IR Uimh. 110/2019, chinn an Cláráitheoir go gcuirfidh "daoine ábhartha" Fógraí Neamhréireachta isteach ar Fhoirm DN1, is go gcuirfidh 'daoine ainmnithe' iad isteach ar Fhoirm DN2.

Chinn an Cláráitheoir chomh maith, nach n-áireofar cás 'neamhchomhdaithe' mar 'Neamhréireacht' agus, ina ionad sin, pléifear leis faoi nósanna imeachta forfheidhmithe RBO. Tá foirm FNC (Fógra Neamh-Chomhlíontachta) ar leithligh ar fáil ó shuíomh idirlín RBO chun cásanna neamhchomhdaithe a thuairisciú.

Is féidir le duine ar bith, ar iniúchadh Chlár RBO dó/di, a mheasann nár chomhdaigh eintiteas aon sonraí Úinéireachta Tairbhiúla, foirm FNC a chur isteach. Ba chóir foirm FNC chomhlánaithe a chur trí ríomhphost chuig discrepancies@rbo.gov.ie.

Ceanglaítear leis an Acht um Cheartas Coiriúil (Sciúradh Airgid agus Maoiniú Sceimhlitheoireachta) (Leasú), 2021 ar dhaoine ainmnithe amhail bainc, institiúidí airgeadais agus soláthraithe seirbhísí eile RBO a sheiceáil mar chuid dá ndícheall cuí custaiméara sula mbunófar gaolmhaireacht ghnó le custaiméir, agus aon neamhréireachtaí agus neamh-chomhlíontacht a thuairisciú don Chláráitheoir.

Fógraí Neamhréireachta

Seo a leanas miondealú ar na Fógraí Neamhréireachta a fuarthas:

Foirm	2024		2023		2024 i gcomparáid le 2023	
	DN1	DN2	DN1	DN2	DN1	DN2
Faighte	0	2,265	2	2,168	-2	+97
Réitithe	0	1,980	2	1,871		
Gan réiteach amhail an 31 Nollaig 2023	0	285	0	297		

Fógraí Neamh-Chomhlíontachta

Seo a leanas miondealú ar na FNCanna a fuarthas in 2024:

Foirm: FNC	2024	2023	2024 i gcomparáid le 2023
Faighte/	245	737	-492(66.75%)
Réitithe	195	554	
Gan réiteach amhail an 31 Nollaig 2024	50	183	

Fiosruithe RBO

Seo a leanas an líon iomlán Fiosruithe RBO a fuarthas ó Thairseach RBO in 2024:

	2024	2023
Leibhéal a hAon/ Cuardaigh neamhshrianta	301	1,016
Leibhéal a Dó / Cuardaigh shrianta	156,531	130,596
Líon iomlán na gcuardach	156,832	131,612

Ceannach Tuarascálacha RBO

In 2024, cuireadh 17,451 idirbheart i gcrích inar ceannaíodh tuarascálacha Úinéireachta Tairbhiúla, ar luach €411,370.75 iad.

Tá sé sin i gcomparáid le 18,568 idirbheart ar luach €400,450.50 iad in 2023, 61,156 idirbheart ar luach €405,860.50 iad in 2022 agus 33,501 idirbheart ar luach €148,040 iad in 2021.

Tá an méadú ar cheannach tuarascálacha Úinéireachta Tairbhiúla in 2022 mar thoradh ar cheanglais an Achta um Cheartas Cóiriúil (Sciúradh Airgid agus Maoiniú Sceimhlitheoireachta) (Leasú), 2021 a chur chun feidhme ar an 23 Aibreán, 2021.

Bhí an laghdú in 2023 mar thoradh ar an srian ar rochtain a cuireadh i bhfeidhm mar thoradh ar chinneadh Chúirt Bhreithiúnais an Aontais Eorpaigh ar an 22 Samhain, 2022. Bhí méadú eile ar líon na n-iarratas Duine Ainmnithe in 2024, agus mar thoradh bhí méadú ar idirbhearta in 2024, rud a chuir rochtain ar ais ar na leibhéil chéanna is a bhí sí roimh *Sovim*.

I gcás roinnt de na hidirbhearta, ceannaíodh ní ba mhó ná tuarascáil amháin san idirbheart céanna. €2.50 an costas ar gach tuarascáil.

Forfheidhmiú agus Ionchúisimh

Thosaigh an Cláraitheoir ag ionchúiseamh eintitis neamh-chomhlíontacha in R2, 2022.

In 2024, eisíodh 578 litir forfheidhmithe.

Thug RBO ionchúisimh as mainneachtain faisnéis úinéireachta tairbhiúla os comhair Chúirt Dhúiche Chathair Bhaile Átha Cliath.

- Éisteadh cásanna i gcoinne 31 eintiteas i gCúirt Dhúiche Chathair Bhaile Átha Cliath 8.
 - Ciontaíodh 11 eintiteas.
 - Phléadáil 20 eintiteas ciontach, agus cuireadh an tAcht Promhaidh i bhfeidhm.

Rannpháirtíocht RBO i bhFóraim Idirnáisiúnta

Tá RBO fós rannpháirteach i bhfóraim Idirnáisiúnta amhail:

- Grúpa Oibre um Úinéireacht Thairbhiúil de chuid Chumann Clár Gnó na hEorpa (CCGE),
- Coiste an AE ar Idirnasc na gclár úinéireachta tairbhiúla (BORIS).

Soláthar Foirne RBO²

Soláthar Foirne agus Coibhéisí Lánaimseartha in RBO ar an 31 Nollaig, 2024:

Grád	Coibhéis Lánaimseartha
Grád	Coibhéis Lánaimseartha
Cláraitheoir	1
Cláraitheoir Cúnta	1
Ardoifigeach Feidhmiúcháin	1
Oifigigh Feidhmiúcháin	2.8
Oifigigh Chléireachais	3

² Is é an Cláraitheoir Cláraitheoir na gCuideachtaí agus Cláraitheoir na gCara-Chumann freisin. Is Cláraitheoir Cúnta Cuideachtaí é/í Cláraitheoir Cúnta RBO freisin.

Láithreán Idirlín RBO

Seoladh láithreán idirlín nua RBO i mí Aibreáin 2024. Dearadh an láithreán gréasáin nua chun béim a chur ar chomhlíonadh riachtanas rochtana do dhaoine faoi mhíchumas agus chun faisnéis cothrom le dáta a chur ar fáil ar bhealach níos soláimhsithe.

Cuireann an láithreán gréasáin réimse faisnéise ar fáil amhail Ceisteanna Cosanta, treoracha maidir le conas comhdú le Tairseach RBO agus doiciméid chuimsitheacha i dtaca le Cosaint Sonraí, Seirbhís do Chustaiméirí agus an Beartas Príobháideachais. Cuireann suíomh idirlín RBO rochtain ar fáil do Thairseach RBO freisin.

Uimhreacha radhairc leathanaigh láithreán gréasáin 2024	104,576
Rannpháirtíocht úsáideora	86,189
Úsáideoirí Gníomhacha Iomlána *	30,392

Is ionann **Úsáideoirí Gníomhacha Iomlán*** agus líon iomlán na ndaoine aonair ar leith a thug cuairt ar ár láithreán gréasáin nó a rinne teagmháil leis uair amháin ar a laghad le linn tréimhse ar leith, mí nó ráithe de ghnáth. Tugann sé le fios cé mhéad duine ar leith atá ag baint úsáid as láithreán gréasáin RBO

Dáileadh Geografach Úsáideoirí an tSuímh Idirlín in 2024

Seo a leanas staitisticí rannpháirtíochta agus rannpháirtíocht úsáideoirí agus liosta de na cúig thír is mó óna bhfuarthas rochtain ar láithreán gréasáin RBO in 2024:

Tír/Countries	
Éire	16,708
An Ríocht Aontaithe	3,476
Stáit Aontaithe Mheiriceá	2,830
An India	1,467
An Ghearmáin	807

Ceanglais faoi ailt 4B(a) agus 4B(b) d'Acht comhdhlúite na dTeangacha Oifigiúla, 2003 agus 2021

Tá RBO tiomanta chun a cheanglais ar fad faoi Achtanna na dTeangacha Oifigiúla (2003 agus 2021) a chomhlíonadh.

Ceapadh ball de RBO chun maoirseacht a dhéanamh ar fheidhmíocht agus tuairisciú a dhéanamh ar cheanglais CRO faoi Achtanna na dTeangacha Oifigiúla (2003 agus 2021).

Rinne RBO na bearta seo a leanas le linn 2024 le cinntiú go raibh an tAcht á chomhlíonadh:

- athbhreithniú ar láithreán gréasáin nua RBO le cinntiú go raibh an leagan Gaeilge ar fáil agus i gceart
- Seoltar meabhrúcháin réamh-spriocdháta a eisíonn RBO trí ríomhphoist i nGaeilge agus i mBéarla
- Eisítear Litreacha Forfheidhmithe tosaigh RBO i nGaeilge agus i mBéarla
- Eisítear an fhaisnéis “Bíodh do Chearta ar eolas agat” a ghabhann le toghairm i nGaeilge agus i mBéarla
- Den chuid is mó, eisítear Postálacha Meán Sóisialta ar Twitter/X i nGaeilge agus i mBéarla

Le linn 2024, comhlíonadh na ceanglais nua faoi alt 10A. (Fógraíocht ag comhlachtaí poiblí) a éilíonn gur i nGaeilge a bheidh 20% (10A. (1)(b)) de gach fógraíocht. Tá ceanglas ann freisin go gcaithfear 5% de chaiteachas fógraíochta bliantúil ar mheáin Ghaeilge, faoi mar a fhorordaítear faoi alt 10A. (1)(b).

- Rinne RBO 33 postáil meán sóisialta le linn 2024. Bhí dhá phostáil dhátheangach, bhí 15 postáil i nGaeilge agus 16 postáil i mBéarla.

Ó bunaíodh é ar an 22 Meitheamh, 2019, nuair a tugadh lámh d'Ionstraim Reachtúil 110 de 2019, chinntigh RBO go bhfuil leaganacha Gaeilge agus Béarla dá ainm le feiceáil i lógó agus i gcomharthaíocht RBO.



Ráiteas maidir le Dualgas na hEarnála Poiblí um Chomhionannas agus Cearta an Duine

Tá freagracht ar gach comhlacht poiblí in Éirinn comhionannas a chur chun cinn, idirdhealú a chosc agus cearta daonna a bhfostaithe, a gcustaiméirí, úsáideoirí seirbhíse agus gach duine a ndéanann a mbeartais agus a bpleananna difear dóibh a chosaint. Is dualgas dlíthiúil é seo ar a dtugtar Dualgas na hEarnála Poiblí um Chomhionannas agus Cearta an Duine. Tá sé le fáil in Alt 42 den Acht fá Choimisiún na hÉireann um Chearta an Duine agus Comhionannas, 2014.

Ceanglaíonn Acht 2014 ar chomhlacht poiblí, ag féachaint dá fheidhmeanna, dá chuspóir, dá mhéid, is do na hacmhainní atá ar fáil dó, tuairisciú a dhéanamh inter alia ar fhorbairtí agus ar ghnóthachtálacha maidir leis an dualgas reachtúil seo a bhaint amach ina thuarascáil bhliantúil.

Tá RBO lántiomanta i gcónaí d'éagsúlacht, comhionannas inscne agus cóir chothrom agus chomhionann gach fostaí, custaiméara, úsáideora seirbhísí agus gach duine eile a dtéann ár mbeartais agus pleananna i bhfeidhm orthu agus táimid tiomanta d'éiteas neamhspleách, ionracas agus neamhchlaontacht na seirbhíse poiblí mar atá leagtha amach i Ráiteas Comhionannais, Éagsúlachta agus Ionchuimsithe na Roinne Fiontar, Turasóireachta agus Fostaíochta.